




REPUBLIKA E KOSOVËS
REPUBLIKA KOSOVA - REPUBLIC OF KOSOVA

KOMISIONI I PAVARUR I MEDIAVE
NEZAVISNA KOMISIJA ZA MEDIJE
INDEPENDENT MEDIA COMMISSION



RTK 1
Festim Kabashi
Drejtor
Prishtinë

VENDIM

**Lidhur me Rastin Nr. 2021/285 - Komisioni i Pavarur i Mediave (KPM) për
RTK 1 (Palë përgjegjëse)**

Faktet

1. Komisioni i Pavarur i Mediave (KPM) është përgjegjës për zbatimin e Kreut VIII të Ligjit Nr. 03/L-073 për Zgjedhjet e Përgjithshme në Republikën e Kosovës, me anë të të cilit përcaktohet sjellja e mediave gjatë fushatës zgjedhore. Duke u bazuar në kapitullin VIII të këtij Ligji, KPM ka nxjerrë Udhëzuesin për të ndihmuar të licencuarit që të veprojnë në pajtim me Ligjin për Zgjedhje.
2. KPM me datën 9 shtator 2021 i ka dërguar Palës përgjegjëse Udhëzuesin për zbatimin e Kreut VIII të Ligjit për Zgjedhjet Nr. 03/L-073. Qëllimi i dërgimit të Udhëzuesit ka qenë që të licencuarve t'ju ofrohen udhëzime për respektimin e dispozitave ligjore gjatë mbulimit të fushatës zgjedhore për zgjedhjet lokale të vitit 2021.
3. KPM me qëllim të vlerësimit të pajtueshmërisë së Palës përgjegjëse me Kreun VIII të Ligjit Nr. 03/L-073 për Zgjedhjet e Përgjithshme si dhe Ligjin dhe aktet nënligjore të KPM-së ka bërë monitorimin e këtij ofruesi të shërbimeve mediale. Bazuar në Raportin e monitorimit të datës 27 shtator 2021 KPM ka gjetur se Pala përgjegjëse ka vepruar në kundërshtim me nenin 49 paragrafi 6, të Kreut VIII të Ligjit Nr. 03/L-073 për Zgjedhjet e Përgjithshme.
4. KPM me datën 30 shtator 2021 i ka dërguar Shkresë Palës përgjegjëse me të cilën e ka njoftuar për të gjeturat, si dhe e ka udhëzuar që të veprojë në pajtueshmëri me Kreun VIII të Ligjit Nr. 03/L-073 për Zgjedhjet e Përgjithshme në Republikën e Kosovës.
5. KPM pas dërgimit të Shkresës ka bërë edhe një monitorim të Palës përgjegjëse për datën 4 tetor 2021, për të vlerësuar ardhjen në pajtueshmëri me Kreun e VIII të Ligjit për Zgjedhjet e Përgjithshme në Republikën e Kosovës Nr. 03/L-073. Në bazë të Raportit të monitorimit të datës 4 tetor 2021 është gjetur se Pala përgjegjëse vazhdon të veprojë në kundërshtim me Kreun e VIII të Ligjit Nr. 03/L-073 për Zgjedhjet e Përgjithshme në Republikën e Kosovës.
6. KPM pas dërgimit të shkresës ka bërë një monitorim të Palës përgjegjëse për të vlerësuar ardhjen në me nenin 49, paragrafi 6, të Ligjit Nr. 03/L-073 për Zgjedhje. Në bazë të

Raportit të monitorimit të datës 7 tetor 2021, KPM ka gjetur se Pala përgjegjëse ka vepruar në kundërshtim edhe me nenin 9, paragrafi 7 të Kodit të Etikës KKPM-2016/03.

7. KPM me datën 8 tetor 2021 i ka dërguar Shkresë Palës përgjegjëse me të cilën e ka njoftuar për të gjeturat, si dhe e ka udhëzuar që të veprojë në pajtueshmëri me nenin 9, paragrafi 7 të Kodit të Etikës KKPM-2016/03.
8. KPM pas dërgimit të shkresës për të vlerësuar ardhjen në pajtueshmëri të Palës përgjegjëse me Kreut VIII të Ligjit Nr. 03/L-073, si dhe Ligjin dhe aktet nënligjore të KPM-së në mënyrë të vazhdueshme ka bërë monitorimin e këtij ofruesit të shërbimeve mediale. Bazuar në Raportin e monitorimit të datës 11 shtator 2021, KPM ka gjetur se Pala përgjegjëse ka vazhduar duke përsëritur shkeljet e njëjta duke vepruar kështu në kundërshtim me nenin 49, paragrafi 6, të Kreut VIII të Ligjit Nr. 03/L-073 për Zgjedhjet e Përgjithshme.

Analiza ligjore

9. Komisioni i Pavarur i Mediave, bazuar në analizat dhe faktet e lartpërmendura konstaton se Pala përgjegjëse gjatë fushatës zgjedhore për Zgjedhjet Lokale në Republikën e Kosovës ka vepruar në kundërshtim, ka vepruar në kundërshtim me nenin 49, paragrafi 6, të Ligjit për Zgjedhjet Nr. 03/L-073, dhe nenin 9, paragrafi 7, Kodit të Etikës KKPM-2016/03.
10. KPM konstaton se Pala përgjegjëse është njoftuar me kohë për respektimin e Ligjit për Zgjedhjet Nr. 03/L-073, Ligjit dhe aktet nënligjore të KPM-së, i është dërguar Udhëzuesi më qëllim që t'ju ofrohen udhëzimet për respektimin e dispozitave ligjore gjatë mbulimit të fushatës, dhe sërish është gjetur në shkelje. KPM bazuar në Raportin e monitorimit ka konstatuar se Pala përgjegjëse ka gjatë fushatës zgjedhore ka transmetuar spote politike cilat janë identifikuar si hapësira të sponsorizuar me pagesë dhe pa pagesë, por nuk janë identifikuar organizatat ose individët se nga kush janë të paguara apo të sponsorizuara. Duke vepruar në kundërshtim me nenin 49, paragrafi 6, të Ligjit Nr. 03/L-073 për Zgjedhjet, i cili përcakton se:

“Transmetuesit përkujdesen që çdo pikë reklamuese politike të identifikohet qartë si e tillë dhe të tregojë qartë organizatën ose individin “përgjegjës për të”.

11. KPM bazuar në Raportin e dytë të monitorimit ka konstatuar se Pala përgjegjëse gjatë fushatës zgjedhore ka transmetuar një pikë reklamuese politike e cila është e identifikuar si hapësirë e sponsorizuar nga subjekti politik Partia Demokratike e Kosovës (PDK) në të cilën shihet prezenca e fëmijëve, duke vepruar kështu në kundërshtim me nenin 9 paragrafi 7, të Kodit të Etikës KKPM-2016/03, i cili përcakton se:

“Nuk lejohet përdorimi dhe prezenca e fëmijëve në spotet e ndryshme promovuese të partive politike.”

12. KPM konstaton se Pala përgjegjëse nuk i ka marrë për bazë shkresat për të ardhur në pajtueshmëri me nenin 49 paragrafi 6, të Ligjit për Zgjedhjet Nr. 03/L-073, dhe nenin 9 paragrafi 7 të Kodit të Etikës KKPM-2016/03, duke vazhduar t'i bëjë shkeljet e njëjta, duke

transmetuar një pikë reklamuese politike të identifikuar pa pagës, në të cilën nuk identifikohet organizata ose individi sponsorues.


13. Komisioni duke u bazuar në faktet e lartpërmendura konstaton se Pala përgjegjëse ka bërë shkelje të nenit 49 paragrafi 6, të Ligjit për Zgjedhjet Nr. 03/L-073 dhe nenin 9 paragrafi 7 të Kodit të Etikës KKPM-2016/03.

Vendim

14. Pala Përgjegjëse sanksionohet me gjobë në shumë prej dymijë (2,000) euro në pajtim me nenin 30, paragrafi 1.3, të Ligjit të KPM-së, për shkelje të nenit 49 paragrafi 6, të Ligjit për Zgjedhjet Nr. 03/L-073 dhe nenin 9 paragrafi 7 të Kodit të Etikës KKPM-2016/03.

E drejta për ankesë

15. Ankesat i parashtrohen Bordit për Ankesa brenda tridhjetë (30) ditësh nga pranimi i vendimit të KPM-së në pajtim me nenin 29, paragrafi 5, të Ligjit të KPM-së. Ankesa bëhet me shkrim dhe duhet të përcillet me dokumente ose dëshmi që mund të kërkohen nga Bordi i Ankesave në pajtim me nenin 42, paragrafi 2, të Ligjit të KPM-së.
16. Bordi për Ankesa do t'i merr parasysh vetëm ankesat e bazuara në informacione ligjërish të cilat nuk ishin të disponueshme në kohën e marrjes së vendimit të KPM-së, apo të bazuara në mundësi se ekzistonte gabim procedural dhe material i bërë nga ana e KPM-së gjatë marrjes së vendimit.


Xhevat Latifi
Kryetar



18.10.2021
Datë